



Pou Piblikasyon Imedya: 14/07/2022

GOUVÈNÈ KATHY HOCHUL

GOUVÈNÈ HOCHUL ANONSE 13.6 MILYON DOLA POU KONBAT VYOLANS AK ZAM, EDE VIKTIM AK SIVIVAN, AK RANFÒSE REPOSNS ETA A FAS AK KRIZ SANTE PIBLIK YO

9.1 milyon dola garanti nan Bidjè Eta a pwolonje ogmantasyon ijans ane pase a pou sipòte prèske 150 anplwaye prevansyon ak entèvansyon vyolans ak zam

2 milyon dola nan Ffnansman Lwa Entèvansyon kont Vyolans Kominotè yo bay òganizasyon san bi likratif Queens yo pou abòde bezwen viktim yo ak fanmi yo ki afekte pa vyolans ak zam

2.5 milyon dola pou Biwo Prevansyon Vyolans ak Zam nan Depatman Sante Eta a pou finanse analiz done, kowòdinasyon entè-ajans, ak konsyantizasyon piblik

Efò konplè Eta ap fè yo pou konbat vyolans ak zam kontribiye nan yon gwo rediksyon nan ensidan fiziyad ane apre ane yo, done yo disponib isit la

Jodia a Gouvènè Kathy Hochul te anonse 13.6 milyon dola pou konbat vyolans ak zam, ede viktim ak sivivan yo ak fanmi ak kominate pa yo, epi ranfòse reposns eta a fas ak kriz sante piblik k ap kontinye nan kominate yo ki te fè fas ak gwo ogmantasyon enpòtan nan fiziyad ak krim ki enplike zamafe depi kòmansman ane 2020 an. Yon total 9.1 milyon dola pral pèmèt eta a kontinye sipòte plis pase 30 òganizasyon san bi likratif ak lopital, pou yo ka deplwaye anplwaye entèvansyon vyolans ak zam jiska 2023; 2 milyon dola pral adrese bezwen viktim yo, fanmi yo ak kominate yo ki afekte nan vyolans nan Queens; epi 2.5 milyon dola pral finanse travay konsyantizasyon piblik ak analiz done Biwo Prevansyon kont Vyolans ak Zam (Office of Gun Violence Prevention) Eta a.

"Finansman enpòtan sa a pral ranfòse efò travayè sansibilizasyon lari yo ak travayè sosyal yo pandan y ap elaji pwogram pwouve ki entèwont ak diminye vyolans ak zam epi bay sèvis ak sipò bay viktim yo, fanmi yo, moun yo renmen yo ak katye ki toujou ap geri anba twomatiz fiziyad yo enflie yo." **Gouvènè Hochul te deklare.** "Mwen te di li deja epi mwen pral di li ankò: Ase. Nou pral mete tèt yo ansanm epi konsakre tout sa nou genyen pou mete yon fen nan kriz sante piblik sa a pou kominate nou yo kapab an sekirite pou tout Nouyòkè yo."

"Gouvènè Hochul ak mwen konprann ke nou bezwen fè plis pase jis retire zam yo nan lari yo, nou dwe adrese tou entèvansyon ak konsyantizasyon publik, epi bay fanmi yo èd yo bezwen pou konfwonte kriz sante publik k ap kontinye ap afekte kominate yo toupatou nan eta nou an", **Gouvènè Adjwen Delgado te deklare**. "Pandan New York ap dirije nasyon an nan batay nou kont vyalans ak zam, nou dwe dirije nasyon an tou nan sipòte viktim ak sivan vyalans ak zam yo."

Gouvènè Hochul te anonse finansman an pandan yon vizit nan CAMBA (Brownsville In, Violence Out) nan Brooklyn. 9.1 milyon dola ki jere pa Divizyon Sèvis Jistis Kriminèl (Division of Criminal Justice Services, DCJS) Eta a pral pèmèt òganizasyon san bi likratif yo ak lopital yo kontinye rekrite ak kenbe travayè sansibilizasyon yo, entèriptè vyalans ak travayè sosyal ki pral travay pou diminye vyalans ak zam atravè medyasyon, konsèy ak angajman kominotè, epi abòde chòk viktim vyolan yo ak fanmi yo fè fas. Finansman sa a se yon eleman kle nan pwogram twa pati Gouvènè a pou anpeche ak diminye vyalans ak zam nan tout New York lè yo triple envestisman an nan repons ki baze sou kominote a; envesti nan kapasite fòs lòd yo pou rezoud krim ak zam yo; epi kreye [Gwoup Travay Ant Plizyè Eta sou Zam Ilegal \(Interstate Task Force on Illegal Guns\)](#) la.

Fòme pa Gouvènè Hochul mwa janvye, a Gwoup Travay Ant Plizyè Eta ak Alentryè Eta sou Zam Ilegal yo te fòme patenarya ranfòse ant ajans fòs lòd yo. Kolaborasyon amelyore sa a te kontribye nan yon ogmantasyon sibstansyèl nan sezi zam ak yon rediksyon vizib nan fiziyad yo. Pandan sis premye mwa 2022 yo, fiziyad Vil Nouyòk yo bese a 12 pousan lè yo konpare li ak menm peryòd ane pase a. Pou menm peryòd tan an, fiziyad yo desann prèske 20 pousan nan Brooklyn, kote Gouvènè Hochul te fè anons jedi a.

Efò amelyore sa yo ap kontribye tou nan pwogrè andeyò Vil New York. Eta a, atravè DCJS, dirije inisyativ Eliminasyon Vyolans ki Enplike Zam (Gun Involved Violence Elimination, GIVE) lan, ki bay finansman eta pou ajans fòs lòd lokal yo pou pèsonèl yo, ekipman, fòmasyon, ak asistans teknik. GIVE sipòte 20 depatman nan 17 konte ki reprezante 80 pousan vyalans ak zam nan Eta New York andeyò Vil New York. Ant janvye ak jen, ensidan fiziyad yo bese a uit poustan atravè 20 jiridiksyon GIVE yo, epi viktim fiziyad yo desann a nèf poustan. Pou yon apèsi ki pi konplè sou done yo, klike [isit la](#).

Sezi zam yo te ogmante tou yon fason siyifikatif. Pandan sis premye mwa 2022 yo, Lapolis Eta te sezi 694 zam—plis pase de fwa plis konpare ak menm peryòd ane pase a. Nan efò kontinyèl li pou eliminate vyalans ak zam, NYPD deja sezi plis pase 3,700 zamafe depi debi ane 2022 a - nan yon moman kote arrestasyon zam yo nan yon nivo maksimòm depi 27 ane.

Komisè Divizyon Sèvis Jistis Kriminèl la, Rossana Rosado, te deklare, "Depi otòn pase a, lè Gouvènè Hochul te anonse finansman ijans pou diminye vyalans ak zam, ekip sansibilizasyon lari nou yo ak ekip entèripsyón vyalans ak zam nou yo atravè eta a te ede pwodwi rezulta reyèl nan diminye vyalans ak zam. Poutan, gen plis bagay ki dwe

fèt. Angajman kontinyèl Gouvènè Hochul pou finansman inisyativ prevansyon vyolans ak zam ap pèmèt nou elaji, amelyore, ak pi byen sipòte efò sa yo - pandan patnè nou yo atravè eta a kontinye travay ekstrawòdinè, brav ak enpòtan yo sou teren - pou ede asire ke tout Nouyòkè ka viv anpè ak an sekirite."

2 milyon dola Biwo Sèvis Viktim (Office of Victim Services, OVS) administre pou Devlopman Kapasite Kominotè (Community Capacity Development) nan Queens pote finansman total eta atravè Lwa Entèvansyon kont Vyolans Kominotè a (Community Violence Intervention Act, CVIA) a 8.3 milyon dola pou de zan. CVIA a deziyen chak ane yon pati nan finansman Lwa sou Viktim Krim federal yo pou pwogram k ap sèvi kominote yo ki frape pi di pa vyolans ak zam. Devlopman Kapasite Kominotè pral sèvi ak finansman an pou repons kriz, responsab ka yo, travayè sansibilizasyon yo, ak travayè sosyal yo; sèvis legal yo, entèprèt ak konsèy sante mantal; ak yon fon ijans pou satisfè bezwen imeda viktim yo, pou site sèvis sa yo sèlman. Prentan sa a, Gouvènè Hochul te anonse [premye faz finansman CVIA: 6.36 milyon dola](#) pou de zan bay sèt òganizasyon san bi likratif.

Elizabeth Cronin, ki se Direktris Biwo Sèvis pou Viktim yo (Office of Victim Services, OVS), te deklare, "Nou konnen ke vyolans ak zam pwodui repèkisyon ki pwopaje odela moun ke yo sible yo, sa ki lakòz fanmi yo, zanmi yo ak tout katye yo soufri nan pèt, devastasyon ak twomatiz, menm jan nou te wè nan East Buffalo. Nan Biwo Sèvis Viktim lan, nou devwe pou fè tout sa nou kapab pou ofri sèvis, resous ak asistans bay viktim ak sivivan vyolans ak zam yo. Nou fyè pou sipòte òganizasyon san bi likratif yo atravè finansman Lwa Entèvansyon kont Vyolans Kominotè a epi nou remèsyé Gouvènè Hochul pou lidèchip kontinyèl li sou pwoblèm enpòtan sa a."

Envestisman sa yo avanse davantaj apwòch sante publik eta a pou abòde vyolans ak zam: idantifye sous li yo, entèwont transmisyon an epi trete li nan angaje kominote yo epi konekte moun ak sèvis ak sipò. Anplis de sa, Biwo Prevansyon kont Vyolans ak Zam lan nan Depatman Sante (Department of Health, DOH) eta a pral resevwa 2.5 milyon dola pou kowòdone efò ant ajans pou rediksyon vyolans ak zam, analize done epi sipòte travay konsantizasyon publik la.

Komisè Depatman Sante Eta a, Doktè Mary T. Bassett, te deklare, "Vyolans ak zam se yon pwoblèm sante publik epi ede diminye vyolans ak zam, efè sante ki asosye ak li yo, ak soufrans yo kòmanse ak envesti nan kominote yo. Kòm yon pati nan angajman Gouvènè Hochul fè pou redwi ensidan vyolans ak zam nan tout Eta New York, finansman sa a pral ranfòse davantaj òganizasyon kominotè yo fè konfyans yo ki te travay depi lontan pou mete fen nan trajedi san sans sa yo."

Senatè Chuck Schumer te deklare, "Konfwonte epidemi vyolans ak zam mande pou itilize ak finanse tout zouti ki nan bwat la, ki gen ladan gwoup entèvansyon kont vyolans kominotè yo, ki itilize metòd ke done pwouve pou diminye vyolans ak sove lavi. Mwen fyè paske nou jwenn yon ogmantasyon istorik 250 milyon dola pou pwogram CVI a nan lwa sou sekirite kont zam bilateral yo te adopte dènyèman, epi mwen p ap

sispenn goumen pou bay chak santim sipò federal pou pwogram sa yo pou kontinye travay fòmidab yo pou kenbe kominote nou yo an sekirite."

Senatè Kirsten Gillibrand te deklare, "Pandan kominote yo atravè eta ak nasyon nou an ap kontinye fè fas ak yon flewo vyolans ak zam, finansman sa a pral bay sipò ki nesesè anpil pou viktим ak sivivan vyolans ak zam yo epi ede sispann krim lan nan sous li. Mwen pral kontinye fè tout sa mwen kapab pou konbat vyolans ak zam epi sove lavi anpil moun."

Reprezantan Jerrold Nadler te deklare, "Vyolans ak zam te afekte twòp kominote atravè peyi a, enkli kominote yo ki nan New York. Nou gen yon obligasyon moral pou rezoud epidemi sa a, epi finansman sa a pral yon etap enpòtan nan direksyon pou abòde rezulta negatif vyolans ak zam yo. Mwen ap goumen chak jou nan Kongrè a nan entwodwi pwojè lwa tankou 'Lwa pou Pwoteje Timoun Nou yo' (Protecting Our Kids Act) ak vote an favè 'Lwa Bilateral pou Kominote ki Pi Ansekirite' (Bipartisan Safer Communities Act) a. Mwen bat bravo pou Gouvènè Hochul paske li te trase wout la nan Eta New York, epi mwen espere kontinye travay ansanm avèk li pou adrese epidemi vyolans ak zam lan."

Lidè Majorite Sena a, Andrea Stewart-Cousins te deklare, "Pa gen anyen ki pi enpòtan pase kenbe kominote nou yo an sekirite kont flewo vyolans ak zam lan. Se te yon priyore prensipal pou Konferans Demokratik Sena a (Senate Democratic Conference) sipòte pwogram ki baze sou prèv nan nivo kominote a kòm yon pati nan yon apwòch inivèsèl pou trete vyolans ak zam kòm yon ijans sante publik ki afekte eta nou an ak nasyon an. Mwen kontan paske Gouvènè a, an patenarya ak lejislati a, kontinye konsantre sou sekirize finansman enpòtan sa a pou ranfòse efò prevansyon kont vyolans ak zam yo ak ranfòse sèvis sipò pou ede viktим yo ak sivivan yo geri."

Yo te akòde 9.1 milyon dola pou pwogram sa yo:

Pwogram Vil New York ak Long Island yo

- Brownsville Think Tank Matters (Brooklyn): yon pòs, 75,000 dola
- CAMBA (Brownsville In, Violence Out): twa pòs, 120,000 dola
- CCI (RISE/Brooklyn, Save Our Streets/Bronx, and Neighborhood Safety Initiatives/Harlem): sis pòs, 420,000 dola
- The Central Family Life Center (Staten Island): twa pòs, 136,800 dola
- East Flatbush Village (Brooklyn): de pòs, 120,000 dola
- Elite Learners (Brownsville, Prospect Lefferts Gardens, Brookdale Hospital, Kings County Hospital): 11 pòs, 660,000 dola
- Garden of Gethsemane Ministries (Harlem): de pòs, 50,000 dola
- Gateway Community Empowerment (Brooklyn): yon pòs, 36,000 dola
- Jewish Community Center of Greater Coney Island: twa pòs, 175,695 dola
- LIFE Camp (pwogram ki baze sou Kominote a/Queens Jamaica Hospital): sis pòs, 240,000 dola

- Northwell Hospital (South Shore University Hospital, Cohen Children's Medical Center, State Island University Hospital): senk pòs 557,500 dola
- Guns Down, Life Up (NYC Health + Lopital/Lincoln): twa pòs, 191,382 dola
- Kings Against Violence Initiative (Kings County Hospital): twa pòs, 180,000 dola
- Southside United (Brooklyn): de pòs, 92,000 dola
- Street Corner Resources (pwogram kominotè/Harlem and Harlem Hospital): sis pòs, 300,000 dola
- Urban Youth Alliance International (The Bronx): twa pòs, 156,975 dola

Pwogram DCJS SNUG yo nan tout eta a ki baze nan kominote ak lopital

- Albany: Trinity Alliance, uit pòs, 459,937 dola, ak Albany Medical Center, twa pòs, 247,573 dola
- Bronx: Jacobi Medical Center, 10 pòs, 914,000 dola
- Buffalo: Erie County Medical Center, 12 pòs, 855,000 dola
- Hempstead: Family and Children's Association, yon pòs: 48,260 dola
- Mt. Vernon: Family Services of Westchester, twa pòs, 146,416 dola
- Newburgh: RECAP, twa pòs, 160,200 dola
- Poughkeepsie: Family Services, twa pòs, 160,200 dola
- Rochester: PathStone, sèt pòs, 427,800 dola, ak Center for Dispute Resolution, twa pòs, \$100,000 dola
- Syracuse: Syracuse Community Connections, sèt pòs, 422,420 dola, ak SUNY Upstate Medical Center, twa pòs, 282,980 dola
- Troy: Trinity Alliance, yon pòs, 42,748 dola
- Yonkers: YMCA of Yonkers, de pòs, 101,600 dola
- Wyandanch: Konsèy Opòtinite Ekonomik Suffolk (Economic Opportunity Council of Suffolk), yon pòs, 44,570 dola

12 pwogram Sansibilizasyon SNUG Street ki sipòte pa DCJS yo pral resevwa tou apeprè 900,000 dola pou sipòte ogmantasyon salè ak bezwen pwogram adisyonèl yo. DCJS ap itilize 254,000 dola pou bay asistans teknik ak sipò administratif nan rezo pwogram SNUG li yo.

[Bidjè Eta Ane Fiskal 2023 a](#) ki adopte pa Gouvènè a ak Lejislati Eta a genyen ladan 227 milyon dola pou finanse inisyativ pou ranfòse efò prevansyon vyalans ak zam nan alafwa òganizasyon fòs lòd yo ak òganizasyon kominotè yo. Nan pwofite finansman sa a DCJS ap administre:

- 20.9 milyon dola pou inisyativ kont vyalans ak zam SNUG ak kominotè pou sipòte [lòt pwogram SNUG yo](#); ogmante pwogramasyon yo pou ede satisfè bezwen debaz jèn vilnerab yo; bay fòmasyon ki baze sou preparasyon pou travay ak plasman nan travay; epi lanse yon pwogram pou rekrite ak kenbe travayè sansibilizasyon yo; epi apeprè 4 milyon nan

- finansman federal atravè Biwo Sèvis Viktim (Office of Victim Services, OVS) lan pou entegre sèvis travay sosyal yo nan pwogram SNUG yo;
- 18.2 milyon dola pou ajans fòs lòd yo ki patisipe nan [inisyativ Eliminasyon Vyolans ki Enplike Zam](#) nan Eta New York la, ki se pi gwo envestisman Eta a nan pwogram nan, pou deplwaye estrateji ki baze sou prèv pou redwi fiziyad epi sove lavi nan 20 kominote yo nan 17 konte ki pi frape pa vyolans ak zam; epi
- 15 milyon dola pou dis Sant Analiz Krim New York yo, ki kolekte epi pataje entèlijans kriminèl - ki gen ladan done sou zam krim - pam plis pase 350 ajans fòs lòd eta ak lokal yo, k ap sèvi kòm yon resous enpòtan pou dekouraje, envestige, ak rezoud krim, tankou krim vyolan ki enplike zamafe yo.

[Divizyon Sèvis Jistis Kriminèl la](#) se yon ajans sipò pou jistis kriminèl ki gen plizyè fonksyongen epi ki gen divès responsabilite, ki gen ladan yo fòmasyon pou fòs lapolis yo; koleksyon ak analiz done krim atravè tout eta a; konsèvason dosye enfòmasyon istwa kriminèl ak anprend yo; sipèvizon administratif baz done ADN eta a, an patenarya avèk Lapolis Eta New York la; finansman ak sipèvizon pwogram libète kondisyonèl ak pwogram penitansye kominote yo; jesyon finansman jistis penal federal ak eta yo; sipò pou ajans ki gen rapò ak jistis penal toupatou atravè eta yo; ak jesyon Rejis Delenkan Seksyèl eta a (State's Sex Offender Registry). Swiv ajans lan sou [Twitter](#) ak [Facebook](#).

Biwo Sèvis pou Viktim lan sipòte [plis pase 200 pwogram asistans pou viktim](#) ki ofri sèvis dirèk, tankou konsèy pou kriz, pledwari, abri ijans, asistans jiridik sivil ak asistans pou demenajman pou viktим yo ak fanmi yo. Ajans la bay tou asistans finansye ak ranbousman pou viktим krim ki eliib yo pou depans medikal ak konsèy, depans pou fineray ak antèman, pèt salè ak sipò, anplis lòt asistans yo. Swiv ajans lan sou [Twitter](#) ak [Facebook](#).

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)